



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Ioannis Ioviani Pontani amorum libri II.**

**Pontano, Giovanni Gioviano**

**Venetiis, 1518**

Ad fidem.

**urn:nbn:de:hbz:466:1-13534**

VERSUS

Quem fugis demens Galatea? cuius  
 Aequet & diuos genus, & propago  
 Imperet syluis, pecori, ac magistris,  
 Et maris undis.

Sunt mihi urforum, simul & leonum  
 Fistulae assueti catuli, manuq;

Quos ego in lusum, illecebrasq; natis,  
 Et tibi seruo.

Sunt & assueti manibus, iocisq;  
 Piscium foetus teneri. hos puellis,  
 Et tibi seruo. O' age dura nostrae

Causa querelae,

Et foue ingentem Polyphemon, antra  
 Ipsa quem uix iam capiunt, uel ipsi  
 Montium saltus. age dura nostrae

Causa querelae,

Et tege amplexu Polyphemon, ipse  
 Quem tegunt uix aut tiliæ, aut comantes  
 Aesculi, aut pinus. age dura nostrae

Causa querelae,

Osculo & dona Polyphemo. heu heu  
 Osculum, & uoces fugit. Ah superba  
 Ah parum felix, fugit, & sub imo  
 Conditur amne.

AD FIDEM.

q Vo fugis rerum Dea? quo deorum  
 O' fides nutrix? maria alta te te  
 Hospitem pellunt. fugat ipsa iniquo  
 Foedere tellus.

LYRICI IOE

Te fugant arces, fora, templa, castra,  
Te fugant reges, fugat & sacerdos  
Summus. heu, ne te undiq; iam fugatam

Arceat aer.

Quo minus coelum repetas. & ipsæ,  
Denegent auræ in patriam regressum.

I', fuge ad manes, fuge ad ima, & atri

Tartara mundi.

Comiter nanq; accipiere manes

Et colunt iustum, & uenerantur æqua.

Hi tibi assurgent meritæ, piæq;

Sede locabunt.

Si modo & tu Pontificem cætenis

Traxeris uinctum. hoc age diua, & unco

Protrahens tracta, solijq; ad aram

Siste tremendam.

Fœdat incestu sacra qui nefando,

Qui fide fracta, Italiam Rutenis

Prodidit, quiq; Ausoniam repenso

Vendidit auro.

Quo suos natos (scelus ah supremum)

Ornet insigni diademate, alto &

Ponat infames solio pianda

Cæde cruentos.

Hunc trahe, hunc unco dea, merge & illos

Amne mactatos Tyberino, & una

Hinc patrem, hinc natos erebi profundos

Trude ad hiatus.

AD VENEREM comæ, atq; osculi dedicatio.